

Q. D. B. V. 20. 5.

**WILHELMUS AUGUSTUS**

COMES de **LYNAR,**

DISSERTATIONEM JURIDICAM

DE

**TITULORUM**

**ET COMMENDARUM  
CONVENIENTIA,**

Sub

PRÆSIDIO

**DN. HENRICI COCCEJI,**

JCTI CELEBERRIMI,

CONSIL. ELECT. BRANDENB. FACULTATIS JURIDICÆ  
ORDINARIJ, & PROFESSORIS PRIMARIJ, nec non SERENISS.  
ac POTENTISS. ELECT. BRANDENB. ab AULÆ  
ELECT. CONSILIIS,

Antea

SUMMI CONSILII STATUS ELECTORALIS PALATINI,  
ET COLLEGII REVISORII ASSESSORIS, IN ACADEMIA  
HEIDELBERG. DECRETAL. PANDECT. & JURIS GENT.  
PROF. P. ORDIN. MERITISSIMJ,

Publicæ ventilationi subjiçiet

*Ad diem 3. August. Anno 1699.*

---

FRANCOFURTI ad VIADRUM,  
Typis CHRISTOPHORI ZEITLERI.

5

SERENISSIMO ac POTENTISSIMO  
PRINCIPI ac DOMINO,

**DOMINO**

**FRIDERICO III.**

**MARCHIONI BRANDEN-**

**BURGICO,**

**S. R. I. ARCHI-CAMERARIO**

**ET PRINCIPI ELECTORI,**

**BORUSSIÆ SUPREMO,**

**MAGDEBURGI, JULIÆ, CLIVIÆ, MONTIUM,**

**STETINI, POMERANIÆ, CASSUBIORUM**

**ET VANDALORUM, AC IN SILESIA**

**CROSNÆ &c.**

**D U C I,**

**BURGGRAVIO NORICO, PRINCIPI HALBERSTA-**

**DII, MINDÆ ET CAMINI, COMITI HOHENZOLLERÆ,**

**MARCÆ ET RAVENSBERGI, DYNASTÆ IN RA-**

**VENSTEIN, LAUENBURG ET BUTOW**

**&c. &c. &c.**

*Domino suo Clementissimo.*

SERENISSIME atq; POTENTISSIME  
**ELECTOR ac DOMINE.**  
*Domine Clementissime,*



Primum Dissertationis  
argumentum, benefi-  
ciorum materiam ex-  
hibens, me jam humil-  
limæ admonet vene-  
rationis, quâ *Serenitati Tuae Electo-  
rali*

*rali* obnoxii redditi majores mei è cineribus quasi non sepeliendam, sed resuscitandam potius cupiunt ingentium copiosè in nos derivatorum munerum memoriam. Observatur animo meo rediviva Genitoris mei imago illustri Johannitici Ordinis insigni à gl. m. FRIDERICÔ M. indulto decorata, non inter morituræ erga *Augustam Electoralem Domum* in me pietatis perpetua excitatrix. Imò is ipse locus, in quò hætenùs per triennium studiis vacavi, illius me simul recordari jubet Gratia *Electoralis*, quæ avo meo Præfecti præsidio hîc personam imposuerat; adeò ut tam insigni Clementiæ monumento oculis meis perpetuo

tuò sese ingerente, suffuso velut rubore, interpellatus fuerim ad edendum publicum memoriæ tot tantorumque beneficiorum testimonium. Agerem itaq; meo majorumq; meorum nomine gratias; si possem, etiam referrem; parem tamen non aliam possum, nisi illam tantum, ut semper religioso cultu meminerim, nos omnes ejusdem sanguinis hæredes, velut per traducem, *Serenitatis Elect. Tuæ* Clementiæ æternò nexu mancipatoseffe. Si verò jam efficacissimum rogandi genus esse putatur, testandæ mentis gratæ sacer quidam ardor; hanc fortè, quam de titulis & commendis Augusto Tuo Nomini, *Potentissime*

*tissime Elector ac Domine Clementis-*  
*sime*, inscribere ausim, dissertationem  
commendationis ulteriori vicem ex-  
pleturam, humillimè confido. Sed ea  
est, *Princeps Augustissime*, decantata  
Tua per Orbem universum bonitas,  
ut spem anhelantium superes, præ-  
curras cogitantium vota, preces im-  
plorantium antevertas, atque ipsam  
animi faustissima quæque sibi expe-  
tentis velocitatem præeuntibus ante-  
cedas beneficiis. Proprio id expertus  
exemplo, indulgentiâ nimirum *Tuâ*  
annuente, ad proximam fruendi Ca-  
nonicatus Magdeburg. spem admis-  
sus, quò aliò me jam commendem ti-  
tulo? quàm eo, qui ex beneficio *Tuò*

ortum

ortum trahit; hanc vitæ mihi præscribens normam, hanc optimam in pariendo necessitudinis cum Tanti Principis justissimo imperio convenientiâ mihi dictitans, hanc mihi legem sanciens, ut, arreptâ hæc de *Titulorum & Commendarum convenientiâ* differendi occasione, publicâ munusculi istius dedicatione tester, quanti sit æstimanda fors isthæc, quæ me gloriari patitur commendatissimo hoc titulo, quò me profiteor, addico, & inscribo;

SERENIT. ELECT. TUÆ  
DOMINO MEO CLEMENTISSIMO

*humillimum & obstrictissimum  
Servum*

WILH. AUGUST. COMITEM de LYNAR.





DISSERTATIO JURIDICA  
DE  
TITULORUM & COMMENDARUM  
CONVENIENTIA.

§. 1.



Memorable omnino est factum illud Camilli, cum Magistrum, eundemq; proditorem puerorum nobilium ipsis pueris tradidit, ut eum virgis cædentes in urben agerent : testatus verbis rebusque, se juris æquæ ac bellorum esse gnarum, nec minùs iustitiæ studiosum, quàm victoriæ avidum. Quo unico actu effecit, ut hostes, Falisci, dedere se Romanis non vi cogerentur, sed misis ultrò legatis maximopere ex peterent; ac faterentur, melius se sub Imperio Romanorum, quàm suis legibus viçturos. Liv. lib. 5. cap. 7.

§. 2. Hoc facto, multò meliore laude, quàm cum triumphantem albi per urbem equi vexerant, insignis iustitiæ fideque in urbem rediisse dicitur Camillus, summum seculi illius togâ belloq; decus. Tantum præsidii pariter

A

riter

riter ac ornamenti cū singulis, tum Reipublicæ accedere solet à sincero justitiæ cultu ac studio. Quod proinde, si quicquam aliud, natalium claritatem decet, & adeo exornat, ut sine dubio haud paulo majus inde decus generi inferatur, quàm à genere accipitur.

§. 3. Hujus itaq; justitiæ studio hætenus haud parum delectatus, ejusq; præstantiâ gloriâq; ductus, decursis pro instituto spacijs Academicis, electo hoc pro disputatione publica argumento de Titulorum & Commendarum convenientiâ, quædam inde speciminis loco delibabo. Et si enim vulgata videatur de Commendis tractatio, & ab aliis jam plurima eruditè in eam rem tradita sint, tamen ut accidere in materiis juris vulgatissimis quoq; solet, supersunt satis multa, quæ aliorum industriam studiumque excitare & ingenium exercere possunt. Proinde, ut eo evidentior sit materia de Commendis, speciem eis oppositam de Titulis generaliter præmittemus.

§. 4. Titulus in jure est causa, cujus vi ac potestate jus alicui acquiritur & competere dicitur: unde tituli dominii translativi sunt causæ seu negotia illa, quibus dominium transfertur, sicut venditio, donatio, solutio, usucapio, permutatio, legatum, &c. uti è contrario alii tituli seu causæ sunt, ex quibus non dominium, sed usus tantum vel custodia aut simile quid transfertur: uti commodatum, depositum, &c.

§. 5. Dicitur autem titulus à tuendo, teste Varro-  
ne, quia factum auctoris & jus inde natum titulus tuetur; quasi titulus: nam ita promiscuè ea olim scribebantur, uti *maximus optimus*, & *maximus optimus*, &c. scribebant. Unde milites olim Tituli dicti sunt, Festo authore, quia tuendæ civitati assumuntur:

tur:

DE TITULOR. & COMMENDAR. CONVENIENTIA. §  
tur: & Titus militem significabat, ut apud Pers. *Sat. 1.*  
*vers. 20.*

*Ingentes trepidare Titos &c.*

Atque ita jus omne à titulo vel causa sua æstimatur atque defenditur.

§. 6. Inde orti quoq; sunt tituli ecclesiastici. Equidem initio tennes quam maximè fuere ecclesiæ facultates, & Servator quoq; à fidelibus oblata loculis aservavit, *Job. 13. v. 29.* eoque mortuo discipuli ac fideles bona sua in commune contulerunt. Veruntamen nullis titulorum gradibus vel ordinibus bona tum distincta, sed ad communes necessitates impensa fuerunt. *Act. 2. vers. 44. 45.* Nec deinde sub gentilismo bonorum, ordinum, dignitarumq; differentia ac tituli fuerunt: conf. Duar. *de Benef. Eccles. lib. 2 cap. 1* quin nec discrimen fuit inter Episcopos & presbyteros. *c. 1. vers. Presbyter. dist. 21.*

§. 7. Verum sub Christianis Principibus, cum horum maximè liberalitate, aliorumque piorum beneficiis auctæ immensum opes ecclesiasticæ, & jam publica autoritate constitutæ ac munitæ essent ecclesiæ, ceperunt varia ordinum ac beneficiorum discrimina, & alia majora, alia minora dici; alia esse cum dignitate, alia sine ea: *c. 1. de Consuet. in 6.* Tum majoritas quædam dici & constitui, *tot. tit. x. de Major. & obed.* & culmina dignitatum induci. uti dicuntur in *c. pen. x. de Præb. & dign.* atque ita varii tum beneficiorum ecclesiasticorum, tum quæ iis cohærent officiorum tituli in ecclesiam inferri: de quibus hic tractandi locus non est.

§. 8 Sunt igitur in jure ecclesiastico tituli nihil aliud quam beneficia ecclesiastica certis officiis eccle-

fasticis pro eorum modo, gradu ac dignitate annexa & adscripta. Unde Titulus idem est ac cujusque beneficium ecclesiasticum, uti patet ex c. 4. x. de prab. & dign. ibi: *sine titulo de quo necessaria vitæ percipiat. & quod in dist. c. 4. initio titulus, innox conveniens militiæ stipendiū dicitur.* Idemq; constat ex cap. 16. x. eod. & expressum est Jure Feudali, in l. F. 6. in verb. *Si Episcopus &c. feudum dederit de rebus ecclesiarum, quæ eis subjectæ sunt & tituli vocantur &c.* Unde & titularis idem est ac beneficiatus (sit verbis venia, cum ita Canones loquantur) & titulari est ad beneficium ecclesiasticum promoveri. c. 3. X. de Cler. conj. ibi: *Ecclesiis quibus intitulati fuerant. c. 2. dist. 70.* ubi hæc verba: *Sine titulo facta ordinatio irrita habiatur, & in qua ecclesia quisq; titularis est, in ea perpetuo perseveret. Omnino autem in duabus aliquem titulari non liceat, sed unusquisq; in qua titularis est, in ea tantum Canonicus habeatur.*

§. 9. Canonicus autem à Canone, id est, portione seu Præbenda, quæ pro officio ipsi ad alimenta tribuitur, & hinc in d. cap. 2. Canonicus præbentarius mox vocatur. Canon enim portionem vel pensionem annuam vel menstruam vel etiam diurnam significabat, inprimis quæ in alimenta solventa fuit, ut apud Æl. Spartianum in Sever. c. 8. *Regi frumentariæ quam minimam repererat, ita consuluit, ut excedens vitæ septem annorum Canonem P. R. relinqueret.* Et cap. pen. *Moriens 7. annorum Canonem reliquit &c.* Uti & pensio Emphyteutæ Canon Emphyteuticus dicitur. Arque hinc mirum videri non debet, dari Canonicos regulares & irregulares, quæ pugnare videntur. Nam Canonicus non dicitur à Canone qui regulam, sed à Canone qui pensionem beneficii ecclesiastici significat, ut in

DE TITULOR. & COMMENDAR. CONVENIENTIA. 5  
in d. c. 2. dist. 70. Alia de titulis compluscula tradidit  
Gonzales, ad c. 4. n. 2. X. de Prab. & dign.

§. 10. Quanquam vero Monasteria titulis non  
comprehendi videantur, per c. 2. X. de Capell. Monach. ibi:  
*Cum generaliter in urbe servetur ut nullum Monasterium ti-  
tulo sit subjectum &c.* contrarium tamen docet d. text.  
in l. F. 6. in pr. Quod vero in d. c. 2. dicitur, assertio par-  
tis fuit, quæ mox rejicitur à Pontifice. Sed & agitur ibi de  
speciali consuetudine urbis Romæ arg. verb. *cum in ur-  
be servetur.* Deniq; alia quæstio est, an Monasterium  
alii titulo subjectum sit; alia an ipsum sit titulus; quod  
in d. c. 2. non negatur.

§. 11. Oeconomix verò ecclesiasticæ tota ratio  
in eo est, ut singulæ ecclesiæ suis beneficiis ecclesiasti-  
cis, quasi congrua dote, sint instructæ, unde ecclesiæ  
cujusque onera ferri, & qui ei serviunt vel præ-  
sunt competenter & pro cujusq; dignitate sustentari  
possint. Quamobrem tum ipsæ ecclesiæ inter se titu-  
lis distinctæ sunt, tum cujusq; ecclesiæ officia; adeo ut,  
quemadmodum nulla officia ecclesiastica sine titulo  
seu beneficio congruo conferri possunt, d. c. 2. dist. 70.  
c. 4. c. 16. X. de Prab. & dign. ita nulla ecclesia constitui  
sine dote congrua, c. 1. caus. 1. qv. 2. c. 8. X. de Consecr. ec-  
cles. quæ & ipsa titulus beneficii est: & inde fit, ut Car-  
dinales Presbyteri addant nomen ecclesiæ, cuius sunt  
presbyteri, sub nomine tituli: v. gr. Cardinalis Pres-  
byter tituli B. Marcelli &c. c. 2. X. de Cleric. non resid.

§. 12. In beneficio igitur ecclesiastico hæc tria  
conjuncta sub, beneficium ipsum, officium quod ei co-  
hæret, & fructus, qui inde percipiuntur: c. fin. de Reser.  
in 6. c. 2. c. 4. c. 16. X. de prob. & dign. qui proinde fructus  
nemini acquiruntur, nisi ei, qui justo ecclesiæ suæ ti-  
tulo

tulo eos perceperit: atque, uti privatus nihil acquirere potest nisi ex justo titulo seu causa dominii translativa, v. gr. emti, legari & s. ita nemo fructus beneficii ecclesiastici, nisi ex causa vel titulo ejus officii, cui beneficiū illud cohæret quod in ea ecclesia gerit, & quod proinde solum est justa causa sive titulus acquirendi ejus fructus, perinde ut venditio, donatio, &c. sunt justæ causæ vel tituli acquirendi dominii.

§. 13. Cæterum dotatione dominium acquiritur ecclesiæ, & dos fit patrimonium ecclesiæ; beneficii autem fructus sunt ejus, qui justo titulo beneficium habet; ille aliquibus dicitur *titulus patrimonii*, hic *beneficii*, quo etiam continetur titulus *mensæ*, uti redditus mensæ Episcopalis; quibus additur titulus *paupertatis* profusæ seu religiosæ, in monasteriis: vid. D. Linck. *ad tit. X. de Etat. & qualit. præf. in fin.* rectius paupertatis in genere, uti in Xenodochiis & similibus domibus religiosis: nam & ille est justus titulus justaque causa percipiendi fructus beneficii ecclesiastici: *c. 3. c. 4. X. de Relig. dom.* nec minor religio est pauperes alere quam sacra facere; major etiam pietas. Quamquam præcipue quoque id Magistratuum muneris sit, pauperibus invalidis publice prospicere, nec minus sanè id munus publicum est, quam pupillis tutores dare, aut militem ad defensionem reip. alere.

§. 14. Atque hi quidem sunt justi tituli percipiendi fructus beneficii ecclesiastici: dictumque est, quod nemo ad officium ecclesiasticum promoveri debeat sine titulo, adeo ut olim promotio ipso jure irrita fuerit, *c. 4. X. de præb. & dign.* deinde autem valuit quidem, sed promotor interim alere promotum debuit. *c. 16. X. eod.* Verum, quid si è contrario beneficium vacet, nemoque

moq; sit, qui rite ei succederit? Tunc verò illud commendatur vel committitur alicui custodiendum & administrandum, ne interim pro derelicto habeatur: unde beneficia hæc *Ecclesie commendata*, & vulgò, quasi contracti, *commendæ* dicuntur: quæ proinde origine sua titulus seu causa iusta acquirendi fructus beneficii ecclesiastici non sunt, sed procuratio, uti dicitur in *c. 42. de Elect. in 6.* & qui tenet, tantum est procurator seu mandatarius. *c. 15. eod. in 6.* Commendare enim nihil aliud est, quam deponere, ut totidem verbis dicitur in *l. 186. ff. de Verb. sign. & in l. 24. princ. ff. de pos. c. 1. x. eod.* Add. *l. 14. §. 4. ff. de Relig.* Depositum autem est, quod custodiendum alii committitur, & propriè est rerum mobilium: immobilium enim, (qualia sunt beneficia ecclesiastica) depositum incidit in mandatum, seu procurationem.

§. 15. Hinc ecclesia titulata & ecclesia commendata diserte invicem opponuntur in *c. 3. caus. 21. q. 1. & cap. 54. vers. Suggesti x. de Elect.* unde sequitur, omnem ecclesiam, quæ non est titulata, esse commendatam; non enim, etsi pastore ecclesia vacet, etiam administratore vacare & planè deseri debet. Eodemque sensu distinguuntur Titularii & Commendatarii; A. Fab. *C. de Episc. & Cler. def. 34. n. 1.* & in Li. Longob. *commendæ & beneficia ecclesiastica striete sic dicta. lib. 2. tit. 44. l. 2. in verb. qui commendationem vel beneficium ecclesiasticum habent.*

§. 16. Est itaque Commenda origine sua beneficium ecclesiasticum, quod titulo seu officio suo ecclesiastico vacans, interim ob causas alii custodiendum committitur & commendatur. Causæ iustæ sunt, si impedimentum obster, quò minus beneficium illico  
in



in titulum conferri possit. Ant. Fab. *C. de SS. Trinit. de fin. g. in fin.* uti ob pestem, bella, &c.

§. 17. Hinc causæ propè omnium, quæ de Commendis tradita sunt, apparent. Non enim in perpetuum, sed ad tempus tantum ecclesia commendari potest; *c. 12. X. de Accus.* & quidem regulariter tantum ad 6. menses: *c. 15. de Elect. in 6.* idq; ab ordinario Collatore; modò parochialis ei commendetur, qui habilis & in Sacerdotio est, & evidens sit ecclesiæ utilitas seu necessitas. *d. c. 15.* At vitam autem, nedum in perpetuum nemo commendare potest, nisi solus pontifex; *c. 42. de Elect. in 6.* qualia tamen Pontificis indulta in Senatu Sabaudix non nisi à Senatu visa & comprobata admitti ait Ant. Fab. *d. def. g.* quod multò magis in Imperio & Gallia obrinebit.

§. 18. Ecclesia verò commendata non minùs vacare dicitur, quàm si nemini commissa esset, tum quia vacat quæ Pastorem non habet, qui ei sit rirè & Canonice intitulatus: *arg. d. c. 3. de Cler. conj.* tum quia commendatarius non possidet beneficium, sed possessio ejus manet penes Pontificem vel Collatorem, perinde ut cùm nondum canonice illud contulit: in depositarium enim nec possessio transfertur. *l. 17. §. 1. ff. de pos. A. Fab. C. d. def. g. & 10.* Quæ omnia secus sunt in titulis, qui perpetuò seu ad vitam conceduntur, eorumque possessio est penes titulos.

§. 19. Eotamen conveniunt, quòd, uti nemo duobus titulis adscribi potest. *c. 4. caus. 21. q. 1. c. 13. c. 14. c. 28. x. de Præb.* ita nec duas commendas habere; *c. 15. de Elect. in 6.* nisi ex dispositione Pontificis: unam autem commendam & unum titulum potest habere. *c. 3. caus. 21. q. 1. c. 54. in f. de Elect.*



# DE TITULOR. & COMMENDAR. CONVENIENTIA. 9

§. 20. Hinc verò constat, quæ Ordinibus sacro-  
rum Equitum concessa sunt beneficia, ipsis non ju-  
re *tituli* competere posse, sed tantum jure *commendæ*.  
Atque hinc est, quod per universam Europam bona  
horum ordinum, cum Marianitum Joannitarum, me-  
ræ sint Commendæ, Commenthurcien; cum tane-  
antur armis defendere ecclesiam, & sint veri milites  
armati; quod officium est seculare non ecclesiasticum,  
& proinde ad nullum titulum ecclesiasticum referri  
potest; quin armis interdictum est Clericis, qui titu-  
lum habent. *c. 10. x. de Elect. & el.* atq; adeò non nisi jure  
comendarum uti possunt, etsi species religionis sint, &  
ad vota quodammodò adstringantur. Vid. *Dn. Pras. Jus  
publ. c. 18. §. 43. & seqq.*

§. 21. An verò fructus interim percipiat Com-  
mendatarius, valde ambiguum videtur. Et commu-  
niter existimant, fructus ad Commendatarios non  
pertinere; Gonzal. *ad c. 54. in fin. x. de Elect.* Gylmann.  
*Symptor. tom. 1. part. 1. tit. 3. pag. 193.* Christin. *Vol. 1. Decif.  
59. num. 15. & seqq.* idque convenit naturæ com-  
mendationis & procurationis. *sup. §. 14.* Alii tamen  
necessaria ad victum iis concedunt. Marfil. *de Eccles. re-  
dit. p. 2. t. 15. c. 26. n. 26.*

§. 22. Verum, etsi hoc de prima Commendarum  
origine, quæ ab ordinariis Collatoribus ad paucos  
menses fieri consueverat, non adeò negemus; tamen  
Jure Canonico videtur jam obrinuisse, ut fructus  
Commendatariis cederent. Planè, de Commendis,  
quæ autoritate Pontificis ad vitam concessæ sunt, nul-  
li dubitamus, quin fructus Commendatariorum fue-  
rint, arque hæcenus ab indole depositi & mandati de-  
sciverint, ex quibus fructus omnes restituuntur do-

B

mino

mino. Commenda enim dominum non habet, cui fructus acquiri canonicè possint: nam nec successoris sunt qui non est; nec collatoris, cujus est intra certum tempus providere aliunde beneficio, non verò sibi retinere ejus fructus; denique Pontifici Romam commendarum fructus mitti solere non apparet. Quin imò, cum is, cui commendata est ecclesia, omnia gerere ac exequi possit quæ sunt Jurisdictionis Episcopalis, & quæ Prælatus ritè electus ac confirmatus potest; c. 42. de Elect. in 6. etiam reditus percipere poterit, cum nec hi excepti ullibi sint, & merito ei comòda præstentur, qui omnia rei onera suscipit. Et cur aliàs beneficium Commendæ ad vitam alicui daretur, si commodis careret: aut quis onus sine commodis ad mortem usque reciperet?

§. 23. Quicquid verò tum fuerit, hodiè certè inter omnes constat, Commendas in jus perpetuum abiisse, & fructus æquè ad commendatarios atque ad titulos plenariè pertinere: uti ex Petri Suavis Hist. Concil. Trid. docet Ziegler. ad Inst. Jur. Can. Lancell. lib. 1. tit. 28. §. 10. Idem Gylmann. d. tit. n. 2. & n. 4. pag. 183. Klock. tom. 3. Conf. 108. n. 66. Duaren. de Benef. eccles. lib. 5. cap. 7. Quanquam maximum hunc esse abusum existiment, eumq; valde improbent cum prædictus Petrus Suavis apud Ziegl. d. l. tum Duar. d. c. 7. Andr. Valleng. ad tit. x. de Concesf. præb. §. 3. n. 2. & alii. Sunt igitur tales Commendatarii veluti procuratores in rem suam, qui etsi non titulo ac jure proprio tenent beneficium, tamen omnia comòda sibi perinde ac titulati quærunt.

§. 24. Hinc verò constat, Commendas non minùs ac titulos esse verissima bona ecclesiastica, atque adeò in genere, & specialiter Commendas Equitum sacro-

DE TITULOR. & COMMENDAR. CONVENIENTIA. II  
sacrorum ad Jus ecclesiasticum pertinere, causasque earum, de quibus controvertitur, ex Jure Canonico & Feudali (quia beneficia & feuda ecclesiastica quoque sunt feudorum species, 1. F. 1. & 6. 2. F. 26. §. moribus 2. F. 35. &c.) decidendas esse: cum non ideo res desinat esse ecclesiastici juris, quia apud alium deposita, vel administratio ejus alicui mandata est; neque depositum vel mandatum transferunt Dominium ecclesie ad alios: nec mandantur Commendae extra ecclesiam, sed personis ad usus Ecclesie obligatis & vel voto obstrictis.

§. 25. Quin effectu juris non differunt hodie titulus & commendatarius, sed uterque aequè pro vero Praelato, & Commenda ex dispensatione summi Pontificis instar tituli habetur. Hoc latè ostendit A. Fab. C. lib. 1. tit. 3. def. 34. ubi n. 1. ait: *Commendatarius pro vero Praelato & Titulario habetur, quandoquidem Commenda ipsa titulus est dispensatorius; nec inter Commendatarium & Titularium ecclesie Rectorem effectu ipso quicquam interest &c.* Quod & firmat ex antiquioribus; uti ex Probo, qui dixit: *Commendatarius perpetuus non minùs censetur verus Praelatus major in his quae sunt Jurisdictionis & administrationis Praelaturae quàm Titularius.* & ex Navarro asserente *Commendatarios esse veros Praelatos, & posse facere quicquid Titulares possunt &c.*

§. 26. Hinc & Capitulum habent, quo nomine Collegium ecclesiasticum notari constat: rubr. & tot. tit. x. de His quae fiunt à maj. part. Capit. adstricti sunt ad tria vota substantialia: Gylmann. d. tract. tom. 1. part. 1. tit. 3. fol. 192. col. 2. ubi Magister Ordinis Teutonici libello suo id complexus est. inde inter religiosos quoque recensentur; & jura Clericorum habent: c. 3. x. de Privileg. ibi: *Fra-*

*tres Templi & Hospitalis & alii Religiosi.* Praun. in *Adls*  
*chen Europ. §. 67.* electione perinde fiunt uti alii Prae-  
 lati titulati: utuntur titulo Reverendissimi, *Hoch-*  
*würdigste*; item *Andächtige* / *Seine Andacht*; *Geist-*  
*liche* / religiosi &c. & ita quoq; ab aliis compellantur,  
 uti quotidie apparet ex literis publicis, quarum exem-  
 pla retulit Excell. & Celeberr. Dn. Becmanus *SS. Theol.*  
*D. & Prof. nec non Universitatis & suae Facult. Senior. longè*  
*meritis. in tract. de Ord. Johannis. cap. 4. & alii, Gylm. d.*  
*tit. 3. fol. 191. in fin. & fol. 192. &c.* Sed & autoritate  
 Pontificis constitutæ sunt Commendæ, quin, nisi per  
 Reformationem religionis inde, ut & alia bona eccle-  
 siastica, exemptæ fuerint, Pontificem agnoscunt, eique  
 fidem præstat. *d. tit. x. de Privileg.* Denique locum  
 quoque & ordinem, ut ecclesiastici, ante ejusdem clas-  
 sis seculares habent, ut constar. Atq; adeo tota earum  
 forma, constitutio ac jura sunt ecclesiastica.

§. 27. Mirum itaq; quàm maxime est, quòd quidam  
 in causa Commendæ controversa, cum rationes ex  
 Jure Canonico & feudali allatæ evitari non posse vi-  
 derentur, existimaverit, non esse hæc ex iis juribus  
 decidenda. Certè enim causæ bonorum & jurium  
 ecclesiasticorum, ut sunt Commendæ, ex jure Cano-  
 nico decidendæ sunt; & causæ beneficiorum, etiam  
 ecclesiasticorum, ex jure Feudali: cum sint verissima  
 feuda ecclesiastica, quæ olim cum omni jure etiam  
 ecclesiastico à seculari potestate concessa fuerunt; &  
 de quorum concessione & concedendi modo in nul-  
 lo alio jure communi, quàm Feudali & Canonico agi-  
 tur. Unde, quanquam deinde ab Henri o V. extorta  
 fuerit transactio, ut in his beneficiis Imperator tan-  
 tum jura secularia *die Weltligkeit* / Papa autem eccle-  
 siastica

fiastica per anulum, & baculum conferret, eo tamen facto tantum persona conferentis, non modus conferendi mutatus nedum eo pacto jura feudalia & Canonica sublata fuere. Igitur ex utroque hoc jure norma debidendi has caulas petenda est. Quin & accurate conveniunt cum principis juris communis, atque ex hoc communi fonte quasi rivuli jura eorum ducuntur; ut in causa jam tractanda manifestum fiet.

§. 28. Quodsi itaque Prælatus, consentiente Capitulo, beneficii ecclesiastici, sive titulati sive commendati, nondum vacantis expectativam, ut vocant, duobus concesserit, beneficium autem mortuo demum Prælato vacare incipiat, & prior expectavius a successore Prælato confirmationem petere neglexerit, posterior autem ritè & debito tempore eam obtinuerit, quaritur, an nihilominus prior præferri debeat & posteriorem excludere possit? De jure primum quaritur, (nam si quid usu mutatum, vel in facto, ejusque circumstantiis singulare esse dicatur, id probandum venit) & responderetur, priorem, qui statuo legibus feudalibus vel Canonibus tempore confirmationem neglexit, non posse excludere illum; qui eam petiit & obtinuit.

§. 29. Hoc ostenditur breviter his rationibus. I. Prælatus, qui beneficium nondum vacans confert, nihil suum confert, quia totum adhuc possessoris, adeoque alienum est; non enim agitur de jure directo, quod conferentis est, sed de utili seu ipso beneficii jure quod possessoris est, transferendo. Igitur nec ex ea collatione jus ullum quaritur expectavius, quod ipse converens nunquam habuit, l. 20. *præf. ff. de Acq. rer. dom.* neq; ex ejus promissione obligatur

successor, qui heres ejus non est. *l. 1 C. si cert. pet. l. fin. C. de Her. act. l. 2 C. de Her. vend. l. 26 C. de Pañt.* Quæ ratio tota juris communis est, & in omnibus beneficiis obtinet, in quibus heres non est, siue dicantur spiritualia siue secularia; cum neq; ex facto defuncti in valido jus oriri possit, neq; successor, qui heres non est, illud præstare teneatur, quod adeò & in Commendis obrinebit.

§. 30. II. Officium Prælati cum omni jure, quod ei cohæret, adeoque & jus conferendi beneficia merè personale est. & proinde totum cum persona interit: cum sola personæ electione, non verò ulla successione hereditaria Prælatus constituatur: ut patet. Cum igitur Prælatus beneficium, quod nunquam ipsi vivo apertum fuit, conferre non potuerit, adeoq; collatio eo vivente ipso jure nulla sit, non potest post mortem ea incipere, ubi omne jus conferendi jam morte expiravit. Non potest igitur ullum temporis momentum fingi, quo collatio subsistere & inde jus quæri potuerit: non vivo Prælato, quia nunquam vacavit, sed omne jus beneficii penes alium possessorẽ fuit, adeoque Prælatus nihil quod ipse non habuit, aliũ concedere potuit: non eo mortuo, cum beneficium vacare incipit, quia morte ejus omne jus conferendi jam extinctum penitus fuit. Igitur nec ex ejus collatione beneficium acquiri potuit, quæ non valuit, neque ex successoris, qui non contulit. Et hoc quoque argumentum omni jure ipsaq; natura constat, & ad omnia beneficia pertinet quorum jus conferendi hereditarium non est, sed cum persona extinguitur, uti in Commendis, siue dicantur spirituales siue seculares.

§. 31. III. Atq; hinc perpetua illa oritur differentia

DE TITULOR. & COMMENDAR. CONVENIENTIA. 15  
rentia beneficiorum ecclesiasticorum, & secularium  
in quibus dominus heredem habet, qui factum ejus  
præstare tenetur, atq; adeò, licet beneficium vivo do-  
mino, qui id concessit, apertum non fuerit, heres  
tamen ipsius, quandocunq; aperiatur, obligatur ex  
concessione & promissione defuncti, & beneficium  
sibi jam apertum præstare tenetur. In secularibus  
itaq; domini jus morte non perit, sed activè & pas-  
sivè ad heredes transit; cùm è contrario in Ecclesiasti-  
cis jus omne cum persona, quæ hæredem in benefi-  
cio non habet, interierit.

§. 32. IV. Atq; hæc uti indubitata sunt juris com-  
munis & universalis principia, ita ex iisdem jure  
Feudali & Canonico ad eundem modum id disertis-  
simè decisum est; velut in 2. F. 26. §. *Moribus* his verbis:  
*Moribus receptum est, dominum de feudo militis sui, quod*  
*post mortem ipsius ad dominum reverti sperabatur, in alium*  
*militem investituram facere posse, quæ investitura tunc de-*  
*mum capiet effectum, cum feudum domino NB. aut heredi*  
*suo fuerit apertum. NB. Secus est. in ecclesiasticis personis*  
*nam si ille talem faciat investituram, (scil. beneficii non*  
*vacantis) non aliter valebit, nisi sibi NB. non etiam Suc-*  
*cessori aperiatur. Similiter in 2. F. 35. de concessione*  
*beneficii ecclesiastici nondum vacantis ita dicitur: Si*  
*ante deceserit investitor, quam feudum ad eum revertatur,*  
*NB. Successor non cogitur eam habere ratam. Et in 1. F. 3.*  
*Si ante deceserit Archiepiscopus, quam ille qui feudum possi-*  
*debat, successores non coguntur eam investituram facere vel*  
*confirmare.*

§. 33. V. In quem sensum quoq; illud sæpius de-  
cisum ac responsum expressè fuit: uti cùm Archiepi-  
scopus Magdeburgensis rem ecclesiæ suæ, sed non-  
dum



dum vacantem, alii concessisset, quæ eo demum mortuo aperta fuit, negatum est, Succesorem ejus teneri. Carpzo. *jurispr. for. p. 2. const. 4r. def. 7.* cujus hic tenor: Ob gleich Herr Albertus, weiland Erz-Bischoff des Primars und Erz-Stifts zu Magdeburg Hansen Reinicken / einem Bürger zu Mansfeld uff den Fall da Stephan Policke (posseſſor) ohne Leibes- Erben versterben würde / ezliche Thal- Güter und Salz- Pfannen zu einem Angefälle oder Bedinge geliehen und gegeben / welches Bedinge nachmahls Euch und euern Vorfahren beständiger weise und mit Einwilligung der nachfolgenden Erz-Bischöffe cedirt und abgetreten worden / die weil aber dennoch der Fall mit Stephan Policken NB. nicht bey höchstged. Erz-Bischöffen Leben / sondern hernach sede vacante, che jetztiger Erz-Bischoff Sigemund zur Regierung kommen / sich begeben zc. So ist das Capitul und hernach regierende Erz-Bischöffe an der vorigen Erz-Bischöffe Handlung und Belehnung nicht verbunden. in quem sensum quoq. respondit. Peil. *Cent. t. Conf. 7.* ubi, cum eadem ratione decidisset, daß dieselbe Belehnung an ihr selbst todt und erloschen / und ein nachfolgender Bischoff / oder sede vacante ein Thunm-Capitul / derselben ungeachtet / diese Pfannen ordentlicher weise wol zuwenden mogen: ita concludit: *Quia casum in volumine juris expressum habemus, nullus omnino dubitationi vel questioni de hoc locus est.* Estq; hæc unanimis hæc. Dd. sententia vid. Finckelthaus. *Controv. Feudal. disp. 7. thes. 12. § ibi alleg.* Atque ita in causa Commendæ respondit inchoyta Facult. *Jurid. Viadrina.*

§. 34. VI. Atque hinc simpliciter Jure Canonico constitutum est, quod beneficium ecclesiasticum conferri



ferri nequeat, nisi vacans *c. 2. c. 3. c. 4. x. de Conces. præb. c. 27. x. de Præbend. & s.* quæ constitutio ex prædictis rationibus juris communis non potest non inferri: quibus præterea ibi additur alia ratio itidem ex jure communi desumpta, quâ talis collatio pro invalida habetur; scil. quòd contineat votum captandæ mortis. *d. cap. 2. c. 2. eod. in 6. c. 5. X. de Pact.*

§. 35. Cum itaq; omnibus his constitutionibus & rationibus Commendæ non minùs ac alia beneficia contineantur, ineptum planè est, dicere, hæc esse erronea præsupposita quæ ad Commendam applicari non possint, neque tamen indicare, ubi in Commendis aliud ac in reliquis beneficiis ecclesiasticis constitutum, aut, ubi Commendæ ab expressissimis illis decisionibus ex jure communi *sup. §. 31. 32. & 33.* allatis exceptæ sint. Econtrariò verò abunde satis demonstratum est, idem effectù juris esse in commendis ac aliis beneficiis ecclesiasticis, & decisionem hanc ex jure communi & ipsa ratione naturali desumptam nec in commendis nec in ulla alia re fallere posse, nec fieri, ut quod quis ipse non habet, alii possit concedere, aut, ut jus personale & cum persona extinctum post mortem adhuc inchoari possit.

§. 36. Unde nec regei potest, (salvo tamen aliorum rectius sentientium judicio) quòd dispositio Juris Canonici de non conferendo beneficio quod nondum vacat, de spiritualibus intelligenda, nec ad Commendas trahenda sit, cum illæ sint beneficia secularia. Nam Resp. (1) Nihil omnino huic facit spiritualitas beneficii, cum omnia hætenus expositæ sententiæ fundamenta ex jure Romano petita sint: quod non de spiritualibus agit, sed contra de secularibus: neq; ulla ra-

tio aut dispositio spiritualitate beneficii nititur. (2.) E contrario de secularibus verum est, neminem quod ipse non habet in alium transferre: nec jus personale morte personæ extinctum post mortem inchoari posse: quæ manifesta pugna naturalis est, etiam in rebus secularibus. *vid. sup. §. 28. 29. & 30.* (3.) Evidentissimi illi textus *sup. §. 31. & 32.* ex jure feudali adducti nihil de spiritualibus disponunt, sed de feudis ab ecclesiastica persona, quæ heredem in beneficio non habet, datis, & excipiunt tantum dominos heredem beneficii habentes qui eorum factum præstare tenetur. (4.) Ipsi Canones expressè se fundant in voto captandæ mortis, quæ ratio ex jure communi desumpta in secularibus quoque valet. (5.) Negatur, Commendas esse beneficia secularia, si hæc ecclesiasticis opponuntur: demonstratum enim jam est, Commendas æque ac titulos esse beneficia ecclesiastica. Si verò ex sensu Canonum accipiantur, etiam titulata beneficia ecclesiastica sunt secularia, quia jure Canonico ad secularia refertur, quicquid voto religioso ac regulæ adstrictum non est. *c. 8. caus. 16. qu. 1. A. Fab. C. lib. 1. tit. 3. def. 34. n. 1. & 2.* (6.) Quin Commendæ ordinum equitum inter religiones recensentur, cum & illi regulæ & voto alligati sint; etsi in Evangelicorum Commendis illa sublata sint: eodem enim nihilominus jure ut reliqui equitum sacri ordines utuntur.

§. 37 Præcipue verò ob stare videtur, quod secus sit quando Capitulum collationi beneficii non vacantis consensit, cujus factum successor ab eo electus præstare debeat. Nam satis certum videtur, à ratione juris id maxime abhorrere: cum constet heredem quidem seu successorem universalem ex facto defuncti

eti

DE TITULOR. & COMMENDAR. CONVENIENTIA. 19

eti obligari, non autem Successorem singularem, qualis est Successor certi beneficii. Hinc omne æs alienum, omnisq; obligatio & actio ad solos heredes, non autem ad legatarios vel fideicommissarios singulares transit. *l. 13. C. de Hered. inst. l. 35. §. 1. & 2. ff. eod. l. fin. C. de Hered. actio. l. 2. C. de Hered. vel act. vend. adeo ut heres ipse, qui deductis certis rebus hereditatem restituere rogatus est, creditoribus defuncti ideò non teneatur, quia instar legatarii & successoris singularis habetur. §. 2. vers. Quin etiam. Inst. de Fideic. hered. Uti & agnati, qui in feudo succedunt, successores sunt singulares nec ad æs alienum defuncti tenentur. 2.F. 45. &c.*

§. 38. Quod ipsum naturalis quoque ratio probat: naturaliter enim quisq; ex suo tantum, non ex alterius facto tenetur, quia homini in suas tantum, non in alterius actiones jus à natura datum est. Unde regulæ illæ: Quòd factum cuiq; suum, non alii nocere debeat. *l. 155. pr. ff. de Reg. Jur. l. 25. §. 2. in fin. ff. ad Sc. Treb. l. 27. §. 4 in fin. ff. de Pact. l. 5. §. 5. ff. de Op. nov. nunc.* Quòd nemo facto suo alterius conditionem deteriorè facere possit. *l. 74. ff. de Reg. Jur. l. 2. ff. Quod vi aut clam.* Quòd nemo alterius facto onerari debeat. &c. *l. 27. in fin. princ. ff. de Procurat. l. 33. §. fin. C. de Inoff. test. &c.* Excipitur heres, qui ideò oneratur ex facto defuncti idq; præstare tenetur, quia jure fingitur eadem esse persona cum defuncto, adeo ut perinde sit, contra suum, an contra defuncti factum venerit: utroq; enim casu æquè repellitur exceptione rei venditæ ac traditæ, ac si ipse fecisset. *l. 1. princ. & §. 1. ff. de Exc. rei vend.* Hæc ratio tota cesfat in successore singulari, qui non, uti heres, repræsentat personam antecessoris, adeoque relinquitur regulæ naturali, quòd ex alterius facto non teneatur.

C3

§. 39.

§. 30. Longè minùs verò tenetur electus factum eligentium præstare: satis enim constare arbitror, electum ex electione ad alia non teneri, quàm quæ electionis legibus, seu, ut loqui amant, capitulationibus comprehensa sunt; tantum abest, ut in genere factum eligentium præstare teneatur; nisi talia sint, quæ per se & suo jure omnes obligant, prout in omnibus Collegiis, quibus eligendi jus competit, usu venit, ut ad alia non obligentur, quàm quæ in lege electionis dicta sunt, vel per se obligationem pariunt.

§. 40. Quinimò tale factum, quale est collatio beneficii non vacantis, nec heres quidem vel successor universalis præstare tenetur, nedum successor singularis aut alius: quia negotium illud, etsi consensu Capituli fiat, jure penitus invalidum est, ex quo nulla planè obligatio oriri potest. Quàm enim utroque jure improbetur talis concessio obcoharens votum captandæ mortis, notissimum est *ex l. 4. l. de Inutil. stip. l. 5. C. de Pact. conv. tam. sup. tot. l. 19. C. de Pact. c. 2. & pas. X. de Conces. præb. c. 2 eod. in 6. c. 5. X. de Pact. & c.* & maximè jure Can. omnis collatio cujusq; beneficii ecclesiastici nondum vacantis severè interdicta est: *d. c. 2. verb. Nulla ecclesiastica beneficia tribuantur alicui seu promittantur antequam vacent: &c.* allegato jure civili ejusque ratione.

§. 41. Neq; adeò magis Capitulum conferre beneficium non vacans potest, quàm Prælati: nam nec illud conferre potest, quod alienum est, & omnis collatio beneficii ecclesiastici, à quocunq; fiat, prohibita est, *d. c. 2.* omnesque prohibendi rationes omnium

DE TITULOR. & COMMENDAR. CONVENIENTIA. 21  
mnium concessionibus æquæ communes sunt. Quod  
verò initio nullum est, nec ex post facto quidem con-  
valescit; quæ omnia satis certa sunt.

§. 42. Ex hoc igitur facto legibus improbatu ne-  
mo obligari potest, adeoque ne ipsum quidem Capitu-  
lum, nedum Successor. Quæ enim fieri potest, ut Suc-  
cessor ex facto Capituli teneatur, ex quo ne ipsum  
quidem Capitulum; seu, ut ille magis ex alterius  
facto obligetur, quam ex suo? Equidem he-  
res ex facto quidem licito testatoris, v. gr. legato, te-  
netur, etsi testatori liberum sit illud adimere; quia  
heres tamen aditione se ad id obligavit; si testator pro-  
pter prohibitionem legis non teneatur, certum est, nec  
heredem obligari.

§. 43. Nec mirum videri debet, collationes be-  
neficii non vacantis adeo jure improbari, & tamen  
tam frequenter fieri. Nam jure deinde Feudali de-  
mum receptæ illæ sunt hætenus, si vivo Prælato de-  
inde vacare cœperint. 2. F. 35. §. cumq; te bonis ecclesie.  
2. F. 26. §. moribus. ubi diuertè jus hoc moribus tribui-  
tur: uti & è contrario iisdem moribus receptum tra-  
ditur, ut in secularibus beneficiis, quorum dominus  
heredem habet, valeat collatio, si herede saltem exi-  
stente apertum fuerit. d. §. Moribus. Unde manife-  
stissimum est, concessionem beneficii non vacantis,  
legibus & Canonibus prohibitas, non ultra deinde  
permisissas fuisse, quàm cum evidenti distinctione in-  
rer concessionem Prælati & domini secularis, ut illa  
valeat, si beneficium vivo; hæc etsi post mortem here-  
di saltè aperiatur; nec proinde ulterius jure extensa est  
conferendi licentia.

§. 44. Movit quidem alios imprimis quoq; ge-  
nerali-

neralitas illius regulæ: *Ex qua persona lucrum quis capit, ejus factum præstare debet.* l. 149. ff. de Reg. Jur. Verum nemo quisquam dicet, eum esse hujus regulæ sensum, ut donatarius, commodatarius, legatarius, &c. qui lucrum capiunt ex persona donatoris, commodatoris, vel testatoris, teneatur in genere horum facta præstare, æs alienum solvere; &c. nihil enim ab omni jure alienius esse constat, cum id solius sit heredis ac universalis Successoris. Necessariò igitur hoc intelligendum est de facto quod ipsa lege donationis, seu negotii ex quo lucrum capitur, comprehensum est: uti in donatione sub modo facta hunc modum adjectum præstat donatarius. l. 1. C. de Don. qua sub mod. Is cui testator legat cum onere fideicommissi, tenetur idonus præstare, quia legati lege comprehenditur, sed tantum pro modo lucri, non ultrà l. 114. §. 3. in fin. ff. de Legat. 1. l. 1. §. 17. ff. Ad Sc. Treb. Aliud exemplū affert Willenb. ad d. l. 149. n. 21.

§. 45. Ita, qui usucapere vult ex persona antecessoris singularis, in causam usucapionis succedat necesse est, quia ex ea capit. Cum igitur omnis usucapionis, præter titulum, (sine quo nec inchoari illa nec continuari potest) duo sint maximè substantialia; alterum in negotio, ut bona fide initum sit; alterum in re, ne vitiosa sit, in utramq; hanc causam succeditur.

§. 46. Igitur, si antecessor rem mala fide acceperit, successor, si ex ejus persona velit usucapere, eodem jure utitur, etsi ipse sit in bona fide, quia non ex suo, sed antecessoris negotio & initio capit. Atq; hoc eleganter dicitur in l. 13. §. 1. ff. de Acq. pos. Cum quis utitur adminiculo ex persona auctoris, uti debet cum sua causa, suisq; vitiis. Hic ergo textus, quem ur-

gere

gere solent in contrarium, apprimè sententiam nostram firmat atq; illustrat; scil. Successorem singularem non teneri ad alia, quàm quæ lege negotii, ex quo acquirit, continentur.

§. 47. Pariter continetur naturâ usucapionis, ne res vitiosa sit. Hoc vitium rei cohæret, adeoq; & illud cum re ad successores transit, uti alia onera & commoda rei cohærentia: de quo est *l. 11. C. de Acq. posf.*

§. 48. Inter hæc duo tamen id interest, quòd mala fides antecessoris non noceat successori, si is à se & suo negotio usucapionem inchoare velit, & in bona fide sit. *l. 5. princ. ff. de Div. temp. præscr.* sic enim hoc, à quo ipse incipit, aliud à priore, quod ab antecessore mala fide gestū erat, negotium, aliud usucapionis initium, alia deniq; usucapio est. At si res vitiosa sit, indistinctè nocet etiā successor, licet à se initium usucapiendi faciat; quia id vitium rei cohæret, quæ cum suo vitio ad omnes transit. Res igitur cui vitium cohæret, eadem est; negotium, cui bona vel male fides, aliud & aliud.

§. 49. Atque hæc omnia manifestæ rationis sunt. Videndum scil. quid naturâ negotii, vel re contineatur: id enim necesariò præstabit is, qui in negotium illud vel rem succedit; quia utrumq; cum causa sua transit *d. l. 13. §. 1.* Quare, cum hereditatis negotium universale sit, quo omnia defuncti jura activè & passivè continentur, heres in omnia succedit, omniaque facta lege non prohibita præstat. E contrario verò, si quis singulari negotio vel rei succedat, id solum præstat quod vel negotii illius naturâ, vel re illa comprehenditur. Quo intelligitur sensus regulæ in *c. 46. de Reg. Jur. in 6.* *Is, qui in jus alterius succedit, eo jure, quo ille, uti debet.* scil. heres in omnibus; successor negotii

tii vel rei singularis in causa illius negotii vel rei.

§. 50. His consequens est, ut videamus, quid naturâ electionis Prælati, sive titulati sive Commendatarii, contineatur. Non sanè ut ille præstare teneatur concessiones beneficiorum nondum vacantium & sibi non apertorum: illæ enim tantum abest ut naturâ beneficii, quod electione acquisitum est, contineantur, ut potius legibus & Canonibus improbatæ atque ab officio illo exclusæ sint, *sup. §. 34.* nec nisi certis finibus tolerentur, de quibus §. 43. In contrariū igitur ea est natura officii Prælati, ut beneficia vacantia conferat, non ut non vacantia: *c. 35. X. de Elect. c. 3. caus. 8. q. 1. c. 3. & tot. tit. X. de Conc. præb.* itaq; cum hac & natura & causa sua, sc. jure conferendi vacantia, transit electione officium Prælati ad successorem: perinde ut usucapionis causa ad successorem transit, si antecessor bona fide cœperit, non si malâ; quia illa ejus naturâ continetur, hæc contrâ ei repugnat. *sup. §. 45.* Quemadmodum ergo ex causa usucapionis, ab antecessore mala fide cœptæ, nec successor, etsi bona fide teneat, usucapere potest, quia usucapio mala fide cœpta legibus rejicitur; ita ex concessione beneficii nondum vacantis, etiam cum consensu Capituli facta, Successor teneri non potest, quia per Canones illa (nisi vivo Prælato deinde aperta fuerit) improbat. *sup.*

§. 51. Unde non de nihilo videtur esse ratio Fachinæ, *lib. 7. contr. 29.* quòd collationi Prælati tacitè insit conditio, *si vivo ipsi apertum fuerit.* Nam, cum tempore concessionis id incertum adhuc fuerit, & existere tamen casus ille vivo Prælato possit, ille casus seu eventus futurus, quian sit exiturus incertum est,



est, verissima est conditio: quippe quæ nihil aliud est, quam casus futurus ac incertus an exiturus sit: *arg. l. 56. ff. de Cond. ind. junct. §. 10. Inst. de inut. stip. l. 37. l. 38. l. 39. ff. de Reb. Cred.*

§. 52. Atq; hæc ratio Fachinæi demum absolvit has Prælatorum & Capituli collationes ab omni vitio; quia intelliguntur conferre beneficium velle secundum leges & Canones; adeoque ea lege, *si apertum ipsi Prælato fuerit*: omnino enim credendum est, Prælatos & Capitulum canonicè procedere. Inest itaq; tacite ista conditio, atq; hac ratione collatio commendæ non vacantis iuxta & Canonica, etiam ab initio, intelligi Potest, quippe ab hac conditione suspensa.

§. 53. Equidem Hartm. Pistoris quoque, Jctus Clarissimus, qui & acri ubiq; judicio, summaque solertiâ atque industriâ controversias penlitare consuevit, in hac causa communem secutus, præterea urget, quod Capitulum nunquam moriatur: & quod ecclesia debeat esse tutrix justitiæ, nec adeò recedere à suo pacto, aut fraudem adhibere. &c. *l. 2. qu. 27. n. 15. & seqq.* Verum, non est justitiæ, servare pactum in validum & per Canones improbatum: uti est concessio beneficii non vacantis, tum ratione Prælati, tum ratione Capituli. Neq; committit contra pactum, qui ex eo non obligatur; cum extra terminos supra allegatos illud ipso jure nullum sit: ex negotio verò lege invalido nemo obligatur, *l. 1. C. de Legib. & ne quidem in conscientia*; quia vi juris naturalis, quæ Magistratui potestas legislatoria data est, lex civilis & jubendo conscientiam obligat, & permittendo turam præstat, vid. D. Præf. *Disp. II. de Finib. bon. fid. cap. 1. dub. 3.*

§. 54. Ex eo verò, quod Capitulum nunquam moriatur, nihil concluditur; pactum enim hoc initio nul-

nullum est, nec unquam convalescit; nisi in unica illa specie moribus probatâ, si vivo Prælato apertum fuerit. d. §. moribus. Neque Capitulum paciscitur de suo facto, scil. seconcessurum; sed Prælati, tanquam caput ecclesiæ, de suo, cui Capitulum assentitur. Capitulum igitur non tenetur beneficium præstare, quia id non promisit; & in pacto, cui Capitulum consensit, est factum Prælati, non Capituli: cui consequens est, si Prælati pactum, etsi consensu Capituli factum, non valeat, & proinde Prælati ad illud factum non obligetur, nihil superesse quod Capitulum præstare teneatur.

§. 55. Secus est, si quæ beneficia ad collationem solius Capituli spectent, uti quædam spectare possunt: c. 3. x. de Suppl. negl. Præl. c. pen. x. de Conces. Præb. de iis enim dici potest. quod, quandocunque vacent, eidem Capitulo, quod nunquam moritur, aperiantur. arg. l. 76. ff. de Judic. Idque adeo convenit quoq; rationi Juris Beneficiarii in 2. F. 26. §. moribus; ut, quemadmodum Prælati collatio valet, si vivo apertum fuerit beneficium; ita Capituli semper, quia nunquam moritur.

§. 56. Atq; hæc est perpetua juris ratio, ut, quoties quis alteri suum factum promittenti tantum consentit, non hic inde obligetur ad præstandum illud factum, quippe qui id non promisit, sed tantum ad patiendum ut alter præstet. Hujus igitur consensus unice hic effectus est, ut alterius promissio, cui nihil nisi consensus iste deest, subsistat, adeoq; is, qui consensit, deinde præstare volenti contradicere non possit, non verò ut ille id præstare teneatur. Ita dominus non potest opus facere in ædibus fructuariis, nec eas aliud tollere absque consensu fructuarii; sed isto consensu hic tantum tenetur ad patiendum; non verò ut ipse faciat. l. 7. §. 1. ff. de Usufr. Prædia mino-

ris

ris non possunt vendi sine decreto & consensu iudicis; ex eo tamen iudex prædium præstare non tenetur, sed minor solus, *tot. tit. C. de Præd. min. sin. decr.* Quin & tutor & curator, si ipsi soli rem minoris gerant, directà quidem actione, durante officio, ex suo facto conveniri possunt: *l. 26. ff. de Adm. tut.* at, si minor ipse cum consensu tutoris vel curatoris promittat, v. gr. Sejo, ipse inde obligatur ad præstandum Segò; *princ. Inst. de Aut. tut. §. 9. Inst. de Inut. stip.* curator verò tantum, ut iudicio conventum defendat; *l. 1. §. 2. & 3 ff. de Adm. tut.* ita ut semper tamen actio judicari contra solum minorem detur. *l. 2. princ. ff. eod.* Atq; ita Capitulum ex consensu suo tantum tenetur, ut Prælato præstare volenti (modò aliunde quoque non prohibeatur) non contradicat; non autem ut ipsum præstet; & consequenter electus quoq; ab eo successor factum ejus præstare non tenetur.

§. 17. Hæc paulò prolixiùs respondimus ad regulam illam, quòd quisq; factum ejus, à quo lucrum capit, præstare teneatur: non tam solvendi dubii hujus causà, quàm ut in genere appareat, quàm periculosum in jure sit, generalibus hujusmodi ac vagis regulis insistere; quantiùq; inter sit, eas intra justos cancellos coërceri. Frustra verò non nemo opponit *c. 12. in de Rescript. in 6. c. 17. X. de Præbend.* Nam ibi non agitur de concessione certi beneficii non vacantis, per canones improbara, de qua hic quæritur; sed de concessione licita & generali beneficii vacantis vel proximè vacaturi. & quidem rescripto Pontificis impetratà: quæ si duobus facta fuerit, priorem præferri inter omnes constat; neq; de eo quisquam quærit aut dubitat. *c. 30. X. de Rescript.*

§. 58. Quàm perperam verò hi textus hic allegentur.

gentur; & quàm planè hæc sint erronea supposita, facile apparet: Nam, (1.) in *d. c. 12. & d. c. 17.* conceditur duobus in genere beneficium vacans vel proximè vacaturum in aliqua ecclesia; hic certum beneficium non vacans. (2.) Prior concessio omnijure licita est; altera jure communi & Canonum improbara. (3.) In *dd. text.* non est quæstio de casu, quo Primus debito tempore neglexisse dicitur. Nec (4.) de casu, quo beneficium post mortem concedentis demum aperitur. Nec (5.) de collatore, qui Jure Canonico tenetur, cum ipse Pontifex concesterit: &c. Quæ omnia secus sunt in præsentī quæstione.

§. 58. Cum igitur Pontifex duobus gratiam licitè rescripto concepit, nemo ambigit, primum præferendum, *d. c. 12. d. c. 17. c. 30. x. de Rescript. &c.* quia posterius rescriptum per obreptionem impetratum intelligitur: unde ne hoc quidem perpetuum est, sed Secundus præfertur, si in posteriore rescripto mentio prioris facta sit, adeoque obreptum Pontifici dici nequeat. *c. 3. c. 9. c. 12. c. 23. x. eod. & Vallenf. eod. tit. §. 5 n. 1. 2.*

§. 60. Hoc verò quid ad hanc speciem, quâ certum beneficium nondum vacans à Prælato duobus concessum, nec vivo eo apertum est, adeoque non modò jure Canonico, quo simpliciter talis collatio improbatur, sed & moribus & usibus beneficiorum ecclesiasticorum, juxta *d. §. Moribus.* ea irrita fit. à Successore autem, cui aperitur beneficium, & cui proinde conferendi potestas omni jure competit, Secundus confirmationem impetrat, Primus impetrare negligit; & quæritur, an is, qui solus impetravit beneficium ab eo Prælato qui jus conferendi habuit, excludi debeat ab eo, qui non impetravit nisi ab eo, qui jus conferendi nondum habuit? Quod neminem, perpensâ juris ratione, dicturum confidimus. §. 61.

§. 61. Hæc hætenus de Jure; quod cum certis atq; indubitatīs rationibus assertum jam videatur, pendendum porro est, an & quatenus consuetudine id hodie immutatum sit? Talem verò consuetudinem qui asserit, eam cum omnibus circumstantiis probet necesse est; nihilque apud Dd. magis tralatitium esse constât, quàm consuetudinem, quæ facti est, cum omni sua qualitate specialiter probandam esse. In hac autem specie duo quæri possunt. (1.) An beneficium ecclesiasticum, quod, cum nondum vacaret, Prælat9 Primo & Secundo concessit, & mortuo deinde Prælat9 apertum Succesori fuit, Primo sine ullo Succesoris facto ita acquiratur, ut nec petere quidem à Succesore ullam beneficii confirmationem necesse sit, nec, si Secundus debitò tempore petat, ei indulgere Succesor beneficium sibi apertum non possit? (2) An Succesor, petita justo tempore à se confirmatione, denegare eam possit? Utrumque, cum juri repugnet, specialiter probandum, atque adeò interim Secundus, qui jure communi nritur, in possessione tuendus erit.

§. 62. Etsi autem posterius, scil. quòd Succesor, confirmatione à se ritè petita, non facile eam rejicere possit, plurium Capitulorum usu receptum esse non diffiteamur; prius tamen, scil. ne opus quidem esse, à successore, cui apertum est beneficium, ejus confirmationem petere, probatum hætenus non vidimus. In omnibus enim, quæ hucusq; occurrunt, præjudiciis vel non apparet in hac specie neglectam planè fuisse confirmationis in tempore petitionem, vel ipsa electionis lege comprehensum fuit, ut concessionēs beneficiorum nondum vacantium antea factæ absq; confirmatione ratæ sint.

§. 63. Atq; hinc ante aliquor annos Amplissima

Facultas Juridica hujus Electoralis Viadrinae, cum de tali specie consuleretur, ita definiit; cum enim commendam nondum vacantis expectativa duobus cum consensu Capituli assignata esset, nec nisi concedente mortuo illa vacaret, Succesor verò, a quo Primus confirmationem commendam plane non petierat, secundo eam rite petenti indulgisset, neque consuetudo Capituli contraria probaretur, de jure praedicta Facultas respondit, commendam ei quaesitam fuisse, qui ejus confirmationem à Successore, cui aperta illa fuit, rite petierat.

§. 64. Equidem singularia quaedam in praedicta facti specie allegata à parte adversa fuerunt, ad excusandam prioris expectativarii negligentiam, sed, cum non sufficerent, satisfactum iis in memorato Facultatis responso fuit. Reliqua quoque quae deinde proposita dicuntur, vel parum momenti ad causam attulerunt, vel non probata fuerunt.

§. 65. Illud saltem praetereundum non est, nullius momenti esse, quod dicitur, secundum non nisi sub conditione suspensiva expectativam obtinuisse; wann durch der anteriorum provisorum tode oder resignation die Commenthuren vacant worden: quae conditio nondum extitit, Primo adhuc superstire, & non resignante. Quasi verò non sit manifesta haec sententia, quod secundus non sit habiturus beneficium, nisi priore deficiente; adeoque quocumque modo defecerit; quae conditio, etsi non addita, ipso jure tamen inest expectativae, adeoque nec est quidem conditio, ut constet ex l. 3. ff. de legat. 1. l. 8. ff. de Vulg. & pup. subst. l. 19. § 1. l. 107. ff. de Cond. & dem. l. 6. § 1. ff. de Tutel. l. 22. § 1. ff. Quamvis dies leg. & pluribus aliis. Intelligitur ergo catus, si Primus defecerit. Nam alias & hoc ridiculum sequeretur, quod, si non morte aut resignatione priorum

orum

DE TITULOR. & COMMENDAR. CONVENIENTIA. 31  
orum, sed ob delictum, vel negligentiam, vel mutam  
conditionem, vel alias causas Commenda vacaret,  
Secundus nunquā eam caperet, sed Terrius, & reliqui  
quoq; ei præferrentur, quia duobus saltem calibus eam  
sibi reservasset, si morte vel resignatione vacaret.

§. 66. Porro in cæteris quoq; beneficiorum ec-  
clesiasticorum juribus constat sibi Titulorum & Com-  
mendarum convenientia. Nam formā quidem &  
iis, quæ ab illa dependent, differunt, sed in cæteris e-  
andem vim effectumq; juris habent: Titularus enim  
instar fructuarii est, qui jure proprio ac reali & fructus  
percipit, & omnia jura exercet; commendatarius au-  
tem instar procuratoris in rem suam, qui quidem ju-  
re ac nomine alterius beneficium tenet, sed ita ut o-  
mnia commoda & jura ipsi commendatario cedant.

§. 67. Atq; hinc, (ut compendio reliqua com-  
plectamur) commenda vim tituli habere, & instar  
tituli esse dicitur, Ricc. *decis. 1590.* ut Procurator in rem  
suam instar domini; *l. 13. §. i. ff. de Pact.* quo sensu dici  
potest, non differre eos à Titularibus: Franc. Marc.  
*Decis. Delfin. tom. 2. dec. 309. per tot.* Licet enim propriè  
collatio & provisio dici nequeat, eandem tamen vim  
habet. Unde Commendatarius omnia facere potest  
quæ Jurisdictionis sunt ecclesiasticæ vel legis diocæ-  
sanæ; adeoq; & excommunicare, & beneficia conferre,  
quin & præsentare Clericum ad titulum ecclesiæ. &c.

§. 68. Quæ verò pendent ab ipsa forma, iis ali-  
quatenus differunt: Ita v. g. ea quæ ordinis sunt exer-  
cere quidem poterunt, non autem indistinctè per se,  
sed ita ut mandent ea personis idoneis, & per eas Ca-  
nonicè exerceant, uti consecrationes, ordinationes, &c.

§. 69. Sed nec Commendatarius, si turbetur in  
beneficio, vel inde dejectus fuerit, interdicta retinen-  
di aut

32 DISSERT. JURID. DE TIT. & COMMEND. CONVEN.  
di aut recuperandi de vi exercere potest, Capyc. *Decis. Neap.* 3. n. 4. Ricc. *part.* 6. *decis.* 2424. *vers.* *videamus.* quia non possidet, ut sup. dictum est: *per l.* 17. *ff. Depos.* Franc. Marc. *tom.* 2. *quæst.* 399. n. 1. at contrâ titulus his posesforiis remediis uti potest, quia naturaliter possidet, uti fructuarius. *arg. l.* 1. *§. 1 ff. de vi & vi arm.* Potest tamen Commendatariis uti remedio *l.* 1. *C. Si per vim.* Evangelici verò equitum Ordines Commendas suas possidere quoque omnino dicendum est; cum neminem superiorem titulum habeant, cujus nomine possidere dici possint; & illis itaque præmemorata remedia posesforia omnino competent.

§. 70. Unde & patet decisio quæstionis, de beneficiis in Curia Romana vacantibus: illa enim cum omnia collationi Pontificis reservata sint ex dispositione *c.* 1. *c.* 3. & *c.* 34. *de Præbend. in 6.* quæritur, si Papa non contulerit, sed commendaverit beneficium, & deinde Commendatarius extra Curiam deficiat, an adhuc Pontificis sit iis providere? Quod omnino dicendum, quia beneficium non desinit vacare per Commendam, ut sup. expositum est; adeoque eadem adhuc durat vacatio, donec Papa plenè providerit. Franc. Marc. *d. tom.* 2. *dec.* 400. *per tot.* Capyc. *d. dec.* 3. n. 1. & 2. Ricc. *part.* 5. *decis.* 1590. Quanquam de Evangelicorum Commendis frustranea quoque ea quæstio est.

§. 71. Ex his iudicium de aliis fieri potest, quæ nunc non cumulabimus. Et hæc quoq; quæ diximus, Ecclesiarum Capitulorumq; iudicio eâ, quâ par est, reverentiâ submittimus, nihilque vel sententiæ ipsorum vel iuribus derogatum volumus.

F I N I S.

ANT 1318164